

Na osnovu člana 13. Zakona o principima lokalne samouprave u Federaciji BiH („Službene novine Federacije BiH“, broj 49/06 i 51/09) i čl. 10. i 68. Statuta Općine Centar- Prečišćeni tekst („Službene novine Kantona Sarajevo“, broj 23/04 i 13/11), Općinsko vijeće Centar Sarajevo je, na 56. redovnoj sjednici održanoj dana 08.10. 2020.godine, donijelo

**ODLUKU O USLOVIMA, KRITERIJIMA I POSTUPKU DODJELE SREDSTAVA ZA
SUFINANSIRANJE MJERA POBOLJŠANJA ENERGIJSKE EFIKASNOSTI ZA
OBJEKTE INDIVIDUALNOG STANOVANJA**

Član 1.

Ovom Odlukom utvrđuje se uslovi, kriteriji i postupak dodjele sredstava Budžeta Općine Centar, kapitalni grantovi pojedincima, za sufinansiranje mjera poboljšanja energijske efikasnosti za objekte individualnog stanovanja-izrada termo fasada-utopljavanja, zamjena vanjske stolarije te druge mjere na poboljšanju energijske efikasnosti (u daljem tekstu: individualni objekti), na području Općine Centar.

Član 2.

Općina Centar će sredstva iz člana 1. Ove Odluke udružiti sa sredstvima vlasnika individualne kuće u svrhu poboljšanja energijske efikasnosti individualnim objekata na području Općine Centar (slobodno stojeće kuće i kuće u nizu).

Član 3.

Sredstva iz člana 1. Ove Odluke, Općina Centar će raspoređivati na osnovu „Javnog poziva“ za individualne objekte za koje je priložena potrebna dokumentacija. Pojedinačna prava, obaveze, realizacija i kontrola će se regulisati potpisivanjem Ugovora između Općine i vlasnika objekta.

Član 4.

(1) Javni poziv vlasnicima individualnih objekata za učešće u sufinansiranju mjera za poboljšanje energijske efikasnosti objekata individualnog stanovanja (izrada termo fasada-utopljavanja zgrada, zamjena vanjske stolarije, te druge mjere na poboljšanju energijske efikasnosti), raspisuje Općinski načelnik putem Službe za investicije, komunalni razvoj i planiranje, u više faza aplikacijskog procesa.

(2) Preliminarni aplikacijski proces, nakon obavljenog javnog poziva vlasnicima objekata, obuhvata četiri faze u pripremi preliminarnog energijskog audita.

- a) Pripremna faza-prikupljanje podataka o karakteristikama građevinske konstrukcije, bitnim energijskim sistemima i troškovima za energiju,
- b) Razgovor sa odgovornom osobom u objektu,
- c) Obilazak objekta-vizuelno utvrđivanje energijskog stanja omotača i svih tehničkih sistema, prepoznavanje osnovnih karakteristika potrošnje energije i mjesta velikih gubitaka energije,
- d) Analiza prikupljenih podataka i završni izvještaj (preliminarni energijski audit)-pregled osnovnih problema u potrošnji energije sa kratkim preporukama za

povećanje energetske efikasnosti i utvrđivanje potrebe za provođenje detaljnog energetske audita.

(3) Vrednovanje i rangiranje prijava-aplikacija pristiglih na Javni poziv vršit će Radna grupa imenovana rješenjem Općinskog načelnika, za implementaciju mjera predviđenih Javnim pozivom. Radna grupa razmatra aplikacije zaprimljene na osnovu Javnog poziva, cijeni ispunjenost uvjeta i kriterija, te formira zapisnik s obrazloženjem bodovanja i mišljenjem te kreira rang liste aplikacija. Rezultati Javnog poziva o izboru korisnika sredstava bit će objavljeni na (www.centar.ba).

(4) Nakon provedenog Javnog poziva i provedenih procedura evaluacije, Radna grupa sačinjava rang listu koju dostavlja Općinskom načelniku na odobrenje.

Član 5.

Kriteriji za bodovanje aplikacija su stanje ovojnice (fasada i prozori) i vrsta energenta koji se koristi za grijanje.

Stanje ovojnice

Fasada	Maksimalno 15 bodova
Objekat bez fasade	15
Fasada bez toplotne izolacije	10
Fasada sa toplotnom izolacijom do 5cm	5
Fasada sa toplotnom izolacijom iznad 5 cm	0
Prozori	Maksimalno 15 bodova
Drveni prozori sistem „krilo na krilo“	15
Drveni prozori sa vakumiranim staklima	10
PVC ili ALU prozori sa termoizolacionim staklima	5
Energent	Maksimalno 20 bodova
Ugalj	20
Ogrijevno drvo	15
Prirodni gas/lož ulje	10
Električna energija	5

Član 6.

Nakon prvog kruga ocjene i selekcije pristiglih prijava obaviće se energetske pregledi i projektovanje za koje će se sredstva izdvojiti iz zajedničkog fonda (budžet i finansiranje od strane suvlasnika objekta).

Član 7.

Nakon provedenog postupka po „Javnom pozivu“, sačinjit će se Odluka o utvrđivanju Liste za sufinansiranje, a koja će se dostaviti Općinskom vijeću na razmatranje i usvajanje.

Član 8.

Za realizaciju ove Odluke se zadužuje Služba za investicije, komunalni razvoj i planiranje i posebna Radna grupa imenovana rješenjem Općinskog načelnika.

Član 9.

Nadzor nad izvršenjem i provođenjem postupaka vrši stručno tijelo imenovano za nadzor nad izvođenjem radova od strane Općinskog načelnika.

Član 10.

Ova Odluka stupa na snagu narednog dana od dana objavljivanja na oglasnoj ploči Općine Centar, a naknadno će se objaviti u „Službenim novinama Kantona Sarajevo“.

Broj:01-11-5789/20

Sarajevo,08.10.2020.godine

Predsjedavajuća Općinskog vijeća

Karolina Karačić



Ova odluka je objavljena na oglasnoj ploči Općine Centar

dana

13-10-2020

godine.